

Lazarin  
947

Claude Du Bosc de Montandré  
la veritable relation...



UNIVERSITY OF N.C. AT CHAPEL HILL



00023014676

RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
3947



3947  
LA VERITABLE  
RELATION

DE CE QVI S'EST PASSE  
entre les Habitans de la ville d'An-  
gers , & les troupes du Cardinal  
Mazarin , conduites par le Maref-  
chal d'Hoquincourt.

*D' Angers les 14. & 17. Fevrier 1652.*



A PARIS,  
DE L'IMPRIMERIE de la Veufue I. GUILLEMOT, rue  
des Marmouzets, proche l'Eglise de la Magdelaine.

M. D C. LII.

*Par ordre de son Altesse Royale.*



# LA VÉRITABLE RELATION

DE CE QUI S'EST PASSÉ  
entre les Habitans de la ville d'An-  
gers, & les troupes du Cardinal  
Mazarin, conduites par le Maré-  
chal d'Hodouincourt.

D'Angers le 17. Février 1652.



A PARIS,  
DE L'IMPRIMERIE de la Veuve J. GUILLEMOY, rue  
des Marmouzes, proche l'Eglise de la Magdelaine.

M. D. C. LII.  
Par ordre de son Altesse Royale.



*LA VERITABLE RELATION*

*de ce qui s'est passé entre les Habitans de la Ville  
d'Angers & les Troupes du Cardinal Mazarin,  
conduites par le Mareschal d'Hoquincourt.*

D'Angers le 14. & 17. Fevrier 1652.



**Q**UELQUES Habitans de cette Ville qui se sont retirez à Saumur ayans asseuré le Cardinal Mazarin, qu'incontinent que les Troupes conduites par le Mareschal d'Hoquincourt paroistroient deuant la Ville, les Habitans se rendroient, & se souleueroient contre le Gouverneur. Et sur ce qu'un Capitaine de la Ville auoit promis de liurer vne des Portes audit Mareschal la nuit du 10. à 11. du courant, ce qui a esté sceu par des prisonniers; ce Mareschal fit auancer ses Troupes; mais ce Capitaine & le sieur Lasnier de S. Lambert President au Presidial se sont retirez, ayans sceu que la trahison estoit decouuerte.

Le Dimanche 10. du courant le sieur Lasnier, dit Portugal, avec trente ou quarante Cavaliers se presenta à la Barriere du Faux-bourg de Bressigné, demanda à parler, & dit qu'il auoit ordre de proposer accommodement à Monsieur le Duc de Rohan, de la part du Roy: ce qu'ayant esté rapporté audit sieur Duc, il fit responce que Lasnier n'estoit ny de pro-



fession ny de probité pour traiter avec luy, & qu'il  
 ne pouuoit auoir créance à vn tel personnage, &  
 fit sortir les sieurs Marquis de la Barre, Baron de la  
 Varenne, & le Cheualier de Iarzé, qui s'auancerent  
 pour parler à celuy qui commandoit les Caualliers  
 (c'estoit le Comte de Quincé) lequel s'estant pa-  
 reillement auancé, leur dit, qu'il falloit ouurir les  
 portes au Roy, à quoy ils respondirent qu'on estoit  
 tout prest, & que Monsieur le Gouverneur & les  
 Habitans estoient en vne parfaite soumission & obeis-  
 sance à sa Majesté; mais qu'il ne falloit point de  
 Mazarin: Ce Comte embrassant le sieur de la Barre,  
 luy dit, Marquis, Viue le Roy & Mazarin, & les  
 trois autres respondirent, Viue le Roy & point  
 de Mazarin, & se separerent & firent le coup de pi-  
 stolet. Au mesme temps on eut auis qu'il paroissoit  
 au delà dudit Fauxbourg, vers la Iustice, six à sept  
 cens hommes, tant Caualerie qu'Infanterie, com-  
 mandez par le Mareschal d'Hoquincourt: Monsieur  
 nostre Gouverneur fit sortir cent jeunes hommes  
 de la Ville volontaires & cinquante Escoliers de Droit  
 à pied, & deux cens Cheuaux pour les soustenir, les-  
 quels allerent teste baissée aux ennemis au delà de  
 la Barriere du Faux-bourg, & les attaquèrent si vi-  
 goureusement qu'ils les repousserent plus de mille  
 pas, & en tuerent vingt-cinq sur la place, prirent  
 huit prisonniers & quelques cheuaux & se retirèrent,  
 crainte que les ennemis qui estoient deux fois plus  
 en nombre ne détachassent quelques troupes pour  
 les prendre par derriere.

Ce

RBC  
NcU



5  
Ce mesme iour fut auisé d'abandonner ce Faux-  
bourg, qui est de difficile garde à cause de son esten-  
due, & la nuict le Marechal d'Hoquincourt s'y vint  
loger, où il fut salué des coups du Canon qui est posé  
sur le Boulevard de la Porte S. Aubin, qui bat tout le  
long de la ruë dudit Faux-bourg, dont il fut tué la  
nuict plus de vingt Caualliers, la pluspart de condi-  
tion.

Le Lundy 12. sur les dix heures du matin, le fils du-  
dit Marechal & deux autres Caualliers furent tuez  
d'un coup de canon dans la ruë dudit Faux-bourg: sur  
les trois heures apres midy vn Gentil-homme du  
Comte de Quincé eut vne cuisse emportée, & peu  
apres vn autre Cauallier fort bien vestu fut emporté  
d'un autre coup de canon: nous n'auons encore peu  
sçauoir son nom. Sur le soir deux cens Habitans vo-  
lontaires, & deux cens cheuaux sortirent de la Ville,  
& se presenterent aux ennemis pour combattre, mais  
ils les refuserent, & ne voulurent sortir de leurs po-  
stes. Ce mesme iour on fit trauailler à des retranche-  
més à la porte de Toussaints, & en la place de Boissnet.

La nuict nostre Canon tant du Chasteau que du  
Boulevard S. Aubin ne cessa de tirer, & furent tuez  
plusieurs des ennemis au nombre de plus de 60.

Le Mardy 13. Monsieur nostre Gouverneur enuoya  
faire compliment au Marechal d'Hoquincourt sur la  
mort de son fils, & luy demander le corps pour le faire  
inhumer avec la ceremonie & l'honneur deu à sa nais-  
sance & à son merite, à quoy ledit Marechal respon-  
dit que s'en estoit desia fait, & qu'il estoit enterré en



la Chapelle S. Sebastien audit Faux-bourg de Bressigné.

Ce mesme iour fut tué par les ennemis le Laquais du sieur Comte de Goeflo par vne embrasure sur la muraille de la Ville.

Ce mesme iour sur les trois à quatre heures du soir sortirent derechef les deux cens volontaires à pied & les deux cens cheuaux pour attaquer les ennemis dans le Faux-bourg, mais ils demanderent à parlementer, & fut accordé vne treve pour cet effet, & pendant le temps de la treve les ennemis tirerent cinq ou six coups de Mousquet sur les nostres, dont vn Sergent de la milice de Monsieur le Duc fut tué; mais à l'instant nos Bourgeois irritéz de ce manque de foy, lascherent cent coups de Mousquets & Fusils sur les ennemis; ce qu'estant cessé, ils demanderent derechef à parlementer, ce que les Bourgeois leur refusèrent, & on continua de tirer de part & d'autre.

Ce mesme iour sur les cinq heures du soir sortirent par la porte de Toussaints deux ieunes hommes Escolliers, lesquels passerent deuant le corps de garde des ennemis, tuèrent deux Soldats, sans que les autres osassent sortir, & rentrerent dans la Ville par la porte S. Michel.

Nostre Gouverneur ayant sceu que les ennemis menaçoient de bruller le Faux-bourg, manda par vn Trompette que si on brusloit vne seule maison dudit Faux-bourg, il feroit piller & bruller les maisons des Habitans, qui sont avec le Marechal d'Hocquincourt. Les prisonniers que nous auons pris ont rapporté que



ce Mareſchal peſte fort contre leſdits Habitans.  
 Ce meſme iour il arriva en cette Ville le Comte  
 de Rieux avec cinquante Gentils-hommes, & quatre  
 Compagnies de Caualerie: noſtre Gouverneur luy a  
 donne le Bal & la Comedie, où les Dames de la Ville  
 ont aſſiſté.

Nous auons ſceu qu'outre ceux qui ont eſté tuez  
 du coſté des ennemis, qui ſont au nombre de plus  
 de cent, il y en a eu beaucoup de bleſſez, entre leſ-  
 quels eſt le Baron de Medauy, fils du Mareſchal de  
 Grangay griefuement bleſſé: & du coſté de la Ville  
 il n'y a eu que les deux cy-deſſus tuez, & deux autres  
 legerement bleſſez.

Ieudy le Comte de Quince par ordre de la Cour  
 demanda à parler à noſtre Gouverneur, & il entra  
 luy troiſieſme en la Ville, & eut deux heures de Con-  
 ference avec ledit Gouverneur, & hier vn autre Gen-  
 til-homme demanda à parler: Monſieur noſtre Gou-  
 verneur luy enuoya vn Gentil-homme pour ſçauoir ce  
 qu'il deſiroit.

On a fait reueüe des Habitans capables de por-  
 ter les armes, & il ſ'en eſt trouué iuſqu'à huit mille,  
 entre leſquels il y eua quatre mille des meſmeurs fil-  
 liers, qui ſe puiſſent rencontrer, outre cinq cens  
 jeunes hommes de la Ville & Elecoliers, & cinq à ſix  
 cens cheuaux fort leſtes, qui ſortent tous les iours,  
 & nous ont amené plus de cinquante priſonniers de-  
 puis Mardy.

C'eſt vne merueille de voir le courage des Habi-  
 tans, iuſqu'au petits garçons tirent ſur les ennemis, &



les femmes & filles marcher sur la muraille sans crain-  
dre les coups de Mousquet, il est à croire que Dieu  
leur inspire ce courage.

Il y a desia seize piéces de Canon montées sur nos  
murailles, sans compter celles du Chasteau, les Fau-  
conneaux & petites piéces.

Il n'y a pas plus de 1800 hommes deuant la Ville  
sans Canon, il y a trois iours qu'ils n'ont eu le pain de  
munition; On dit que le sieur de Broglio amene  
deux mil cinq cens hommes, & que le Marechal de  
la Meilleraye enuoye quatre piéces de Canon pour  
nous battre, mais nous les attendons en bonne reso-  
lution.

Le Marechal d'Hoquincourt a quitté le com-  
mandement, Il y a à présent trois Lieutenans gene-  
raux qui commandent, sçauoir les sieurs de Quincé,  
de Nauaille & de Bar. Nous auons eu aduis que le  
Marechal de la Meilleraye & le Prince Thomas en  
suite ont refusé le commandement, à cause de l'im-  
possibilité de prendre la place avec si peu de Troupes.

Les Soldats qui sont deuant la Ville font toutes  
sortes de desordres: Ils pillent, violent, brulent, en-  
leuent les filles dans les Bourgs & Villages qu'ils font  
rachepter à leurs peres & meres: ce qui contribuë  
beaucoup à la resolution de nos Habitans de se def-  
fendre iusques à la derniere extremité.







